


聖

玉山璞稿目錄



春暮有懷琦龍門兼呈于匡廬袁子英春艸池綠波亭上
作

董孟起叅政領水軍副都萬戶開水軍府事二月廿三日
以瑛佐治軍務留海上索詩口占奉呈

張仲舉待制以京中海上口號十絕附郊九成見寄瑛以
吳下時事復韻荅之

官糴糧美山東趙公伯堅也公以江西行省檢校官來浙
右糴米十萬石賑飢至是吳民苦于官糴公一無所擾而
官亦不勞而集瑛雖不才敢效白居易體作是謠使吳民
歌以餞其行云

三月廿三日侍董大叅巡海早發踞漕

是夜回宿海口舟中董大叅命賦口號
題琴川趙實甫恭甫瑞蓮圖

題深山蕭寺圖

題宋徽廟西設色仙山樓觀圖

題龍門草堂圖就東王仲立

倪元鎮西梧竹圖附章心遠玄士見寄琦龍門為題長詩

于上瑛次韻以識

題秋江釣隱圖

次琦龍門過傀儡湖詩韻

送金文中常熟州吏滿陞庸司奏差

題桶底圖

題曲江宮殿圖

題仙山便面

寫山屋圖後

琦龍門與王仲立遊玉峰惠聚寺龍門作排律一首以紀

寫寄州堂索瑛次韻

題徐公憲扶彈小像

寫龍門草堂圖

家翁命題任月山馬圖

鏡歌十章并小序送董叅政

克淮西言光蔡賊犯淮西公率兵轉戰所向克捷繼呂師

復杭城并屬邑也第一

入昌化言既定杭城復昌化殄群寇遂叅中書也第二

克復於潛賊衆我師尚未集公許自新賊猶豫持兩端公

乘怠卷甲疾趨裒賊降衆也第三
定安吉賊據千秋關襲吾軍公令憑險投石發矢賊莫能
支追數十里俘馘而還遂定安吉也第四

攻昱額賊敗遁徽饒復集衆攻昱額公法八陣圖為長陳
亘百里遂殲群賊也第五

水軍開海寇肆暴赫城邑絕糧道帝命開水軍府公
師領三踰月而成功海宇又寧也第六

巡大洋言公開府率水軍耀武海洋濤風迅發千艘並舉
鯨鯢遁逃不十日抵京師第七

驅海獠海寇既平遺黨襲暴民罷市公發令驅諸海外民
情乃悅祠以祀公也第八

海之平賊匿海島肆劫掠麾水軍擒之沉其舟尸諸市海

以寧也第九

趨入朝貳樞府將大用也第十

題鄭白宦高林遠山傲李協律體

金華方道成鍊師以張彥輔所西雪松罔索題就和卷中

張仲舉詩韻

新秋夜坐有感

錢思道泛舟過玉山作詩見示次韻以復兼呈于匡山

次琦龍門夜宿陳性之學舍詩韻東寄陳性之訓導時學

中殿梁生紫芝故及

寄題王孟德春雪軒

和幹克莊崇明官舍詩

和幹克莊題壽安寺詩

和程小山春游即事

和程小山留題壽安寺

予總角時拜中岳仙伯於舍下今已四十矣年思之如神
游見陶隱居累欲從之而不可得今讀錢思復先生贈
其子子匡山詩不能不為之興懷遂次韻寓意呈思復匡

山二先生云過匡山詩詩長亦不勝公與思呈子匡山

秋興十絕呈錢思復于匡廬袁子英

琦龍門為王氏孟德仲立賦秋林讀書圖詩

題龍門觀泉小像

送陳希文秀才北上

自題繆叔民惠所函讀書巢

和倪雲林所寄

丞相出師口號

次琦龍門所寄二詩兼呈王氏兄弟

和復翟文仲知事

繆叔正郎中以漕事馳傳歷浙東諸郡渡大群小群二灘
作渡灘歌見寄次韻復之

二三年來商旅難行畏途多棘政以為嘆徐君憲以雪景
盤車圖求題觀其風雪載道不能無憾然也遂為賦云

題徐公懋棕樹下放崔小像

題劉德方經歷西村圖次察士安御史韻

琦龍門邀王仲立品茶有詩見寄云踏雨過山來喫茶瑛
甚愛此句次韻以復

陳叔方寫竹一枝於春雪軒壁間龍門賦詩于左瑛次韻

寫寄

寓居東郭風雨中辱王仲立叔正自山中遣奚奴寄詩來和韻二首以復且招之過溪上時龍門同在東郭學圃亭詩蕭元泰真人賦

龍門與王仲立叔正同過州堂喜而賦詩

是日瑛自婁江方歸而群公之舟同及門矣故賦是詩也

次琦龍門州堂集

王仲立游華藏賦詩見寄次韻以復

次琦龍門游馬鞍山詩

十一月廿七日霧中作

次西齋聽雨韻

十一月三十日冬至

十二月十八日丞相自六合班師而有作呈秦文仲秀才

自題松下摘阮小像

臘月廿四夜姚子章省掾見訪小集西軒瑛與秦文仲聯

句以記

用前韻和呈姚婁東

臘月二十六日夜可詩齋夜集聯句皆在座者于彥成袁

子英秦文仲張大本碩瑛也

題徐公憲載雪舟

彥成以他故去作此懷之

富春馮正卿其伯父古山父仁山結樓讀書名曰來青古

山登景定壬戌進士同張濡守獨松關濡道公與弟驥戰

死樓敝復重葺之以書卷尾

和郊九成從軍詩

和秦文仲所寄就東郊九成

述懷

和寄洪碧海兼東袁仲博岳季堅

代書寄岳季堅

徐公憲載酒來慰寫于外史

寫寄余方外

水軍謠

喜聞命相詔至喜而有作

漫成

張景思同守西關蒙惠白鬣與一尾忽常呂二妓見過就

留宿夜飲口占以記

和瞿惠夫即事二首

余以聞官繫身七十日聞州堂松菊積兩半荒馬上口占

一律

金屏曲

花允中以弓矢受知大帥辟為親隨其所居曰孝思筠室

携卷求題為書二絕

和許彥溫都事見寄

和下室之靈慈宮對景有感

軍維欽府掾雨中過州堂談宮詞樂府造語新麗作詩以

贈且期携紅牙者同至

無題

于彥成為山陰之行賦此以別

余逃名于吳淞江上時于彥成將踈越上舟中有懷
舟中寄婁東諸友

乙未書知孟天暉都司見寄

送方行已往松江叅臻雲谷和尚

舟泊山塘雨中口號

乙未五月口號

長歌寄孟天暉都事

陳敬初詩來問訊次韵以復

寄題桃溪吳浩狀平遠樓

次韵吳東礪見貽

次韵龍門寄杪樞室介孤月上人

八月十日與龍門飲於西樓口占一律以侶

題柯敬仲西梅花竹枝

常得珪携詩見訪次韵以復

聽雨二絕

秋興二首

和繆叔正見寄就東秦文仲

次姜羽儀韵二首

鄭君舉府椽分幕西関次韵以寄

次君舉西郊即事

蔡山人隱居

題袁仲長仙史綠筠

題劉商觀奕圖

題袁外史德潤堂

計籌社丹正真人以雜詩卷俾岳季堅來州堂索詩就次
卷中廿九從三絕

題石奩為社丹正真人賦

和荅呂養浩

就次韵荅諸葛用中

中秋寓盤閣遠諸葛用中邾士林秦文仲龍門子英同會

就留賞月分賦蓬字

題唐人牽馬圖

題三生圖

題相馬圖

君臣同慶樂送脱回萬戶

題雲山圖有感

題趙子昂西楚江春曉

雪姑吟題朱澤民所西雪姑鳥

天寶宮詞十二首以寓所感

題韓熙載縱樂圖

金粟影亭懷子彥成五十韵

至正乙未十月廿六日讀書舍合聯句

至正乙未十月九日玉山中玉毬花開飲酒花下首琴川

妓秀雲在鳥

寄張彥弘進士

送常伯圭教諭富陽

漫成

送王叔正贅親

乙未冬至口號

安別駕殺賊記寔歌

崑山知州方侯平賊詩

岳李堅自計籌來飲于雪巢口占二絕

次王仲立歲夜口占見寄

寄城南彈箏美人日玉山中玉

送道寧閣憲奏差日詩書舍合韻

送姚以善浙東帥閫五十啓

題趙子昂西琅玕竹

題春勝游圖

送周天蟾

玉山璞稿目錄

玉山璞稿



春莫有懷琦龍門兼呈于匡廬衣子英春艸池綠波亭上

會題作

綠波亭上風光好水荇菖蒲叢雜生出林柳花作團去放子鯉
魚成隊行美人不見有新夢春事欲餘生遠情明當與君洗大
白濁酒百壺相對傾

董孟起叅政領水軍副都萬戶開水軍府事二月廿三日
以瑛佐治軍務留海上索詩口占奉呈

燕領將軍帟豹顏去年殺賊下三閔筆端艸檄于鈞力馬上開
弓一石穹定賞名標丹鳳宸論功身在紫薇班今看耀武回滄
海日從軍奏樂還

張仲舉待制以京中海上口號十絕附郊九成見寄瑛以
吳下時事復韻答之
佑敗年來不受活徒勞蹤跡走通衢祇緣盡要新交鈔除却天
都到處無
帶號新軍識未真攔街作隊動生嗔官支爛鈔難行使強買鹽
糧更打人
白晝驚風海上號水軍三萬盡乘濤書生不解參軍意也向船
頭着戰袍
官鼓鼙報二更船頭風浪盡軍聲不知海若緣何事一夜顛
狂直到明
冉々長蛇漢水東噓成黑霧滿虛空腥風怪雨重陰底化作黃
蚪不是龍

莫辨黃鐘瓦缶聲且携斗酒聽春鶯河西金艤新翻譜漢語夷
音唱滿城

紅綠油牌去復來長身碧眼更碩顛口傳催辦軍需事一日能
無一百迴

築得吳城易得摧年々風雨繞蘓臺農家盡患此行病總為修
城染帶來

紅纓白帽錦鞍韉鉄甲金戈刺繡鞭義士一千屯海上自家供
米又供錢

和糴糧船去若飛兼春帶夏未曾歸用錢贈米該加七納戶身
懸百結衣

官糴糧美山東趙公伯堅也公以江西行省檢校官來浙
右糴米十萬石賑飢至是吳民苦於官糴公一無所擾而

官亦不勞而集瑛雖不才敢效白居易體作是謠使民吳
歌以餞其行去

官糴糧官糴糧東吳之民日遑去年今年來侍郎凜六月
生秋霜官錢未給先取將今朝十萬上官倉明朝十萬就舡裝
小斛較大斛量吏弊百世那可當輸錢索物要酒漿磨牙吮血
如虎狼滿身鞭箠成痍瘡郡侯視之淚滂忍使我民罹厥殃
寔欲止之無計張官糴糧官糴糧吳之民無積藏山東趙公來
南昌南昌殺賊如大羊賊雖解圍民亦荒貧者守死富食糠爰
民誰如趙平章手糶官帑錢百囊公既得之夜乘航緣江逋賊
肆獷獨操舟怕首來取攘我公挽弓一石強百發百中賊始止
倍道十日抵蘓抗摺不移文下方坊微服民間身作商指廩發
粟酬其償十萬月就民不傷千艘萬斛如龍驤黃旂赤幟分兩

網南風開船若雁行船頭擊鼓敲鐘亦月牽江過鄱陽新米
未熟舊米香西江之民無枯腸官糴糧官糴糧粒盡是民脂
肪天子端居白玉堂相君義坐廟廊紫衣朱服列兩廂天門
九重啟煌豹躡屣踞嚴其防覆盆不照日月光誰能奏額在
帝旁以公糴糧為典常東吳之民始安康官糴糧官糴糧東櫬
載道踞長去年押糧上蘄黃今年五月未還鄉安得風塵靜四
方羊腸蜀道成康莊舟車所至皆來王普天之民樂而昌天子聖
壽垂無疆萬年千載不用糴官糧

三月廿三日侍董大叅巡海早發路漕

檣下遲明發樓舡似馬來海空初日出風急大旗開武士森前
列儒生忝後陪茲游絕竒壯直欲到蓬萊

是夜回宿海口舟中董大叅命賦口號

夜半分弓哨海頭千艘耀武發貔貅旌旗影拂三沙晚砲石教
懸萬島秋六帥移文驅巨鯨諸軍擊楫誓中流回頭坐見星辰
近十日粮船達帝州

題琴川趙寶甫恭甫瑞蓮圖

紫荆樹下盆池好一朵芙蓉並蒂芳露井月涼栖翡翠天機雲
暖織死央損篋迭奏高堂樂鶯燕隼開半面粧喚取桃根與桃
葉蹋歌聯臂醉稱觴

題深山蕭寺圖

潭、古寺山中央迺是梁朝之道場九霄臺殿起突兀萬間金
碧開熒煌塔鈴風前作人語天花靜裡生空香青鞋布鞵若可
到逕上翠微尋竹房

題守薇庵西設色仙山樓觀圖

宣和天子昔神游鳳駕行空過玉樓此處有人言赤馬銖來無
路逐青牛分明良嶽通玄圃想像方壺接祖洲莫把仙山作圖
西瓊花琪樹不勝秋

題龍門草堂圖就東王仲立

龍門上人如已公苑屋賦詩清興同不知白衣者誰子無乃玉
山之老翁長松飛花落輕粉曲澗截山橫斷虹聞道城中王給
事近日讀書居瀛東

倪元鎮西竹梧圖附章心遠玄士見寄琦龍門為題長詩

于上瑛次韻以識

山人自愛山中宅統屋長溪深百尺桐花委地曉風清竹笋過
墻新雨碧東海倪迂真絕俗牛角漢書鋤且讀苑齋時有已公
吟松窗每待陳蕃宿思之不見勞神交明月夜、梁溪潮西圖

忽尔墮几案碧梧翠竹如其標生產那知金有幾門與九峰相
對峙我才獨小不成邦作詩或借擬嵇康龍門一別垂十年客
中又見秋風顛滿懷契濶欲陶寫好寄錫山龍縫泉

題秋江釣隱圖

我愛長江上蕭蕭八月秋斷山當柁尾落葉下舡頭風起青蘋
渚沙分白鷺洲釣竿如可得添我一羊裘

次琦龍門過傀儡湖詩韻

秋波無煙淨且空西槳搖蕩獲渙童晴沙翠竹見湖曲落日青
山如刺中鷗鳥翻迴蓮葉浦菱歌忽起蘆花風何肯矧頭聽春
雨茶竈筆床稱老翁

送金文中常熟州吏滿陞庸司奏差

言偃祠前落水秋担簦負笈上行舟盡言能吏瓜期滿又喜英

才水部收青州岸頭啼布穀黃梅兩裡叫鉤輶農家此際愁如
織奉直承顏說得不

題桶匠圖

不數仙家狡獪功戲將桶底搯蟾宮豈知大地山河影已在庖
犧一函中

題曲江宮殿圖

千門宮殿鬱嵯峨侍輦佳人翠西蛾江水江花流不盡斷腸
元在馬嵬坡

題仙山便面

仙山矗矗下韓東半入青雲半入空記得玉笙鸞背上相看都
在月明中

寫山屋圖後

我愛山居人青山在窓牖朝耕隴上田鼻飲床頭酒門無索租
吏座有擔笈友不知茲山中着得我儂不

琦龍門與王仲立游玉峰惠聚寺龍門作排律一首以紀
寫寄州堂索瑛次韻

瞰岬古殿當澄江中有古佛踈眉龐山靈運石馴帋伏老禪咒
水神龍降冷露下杪攤葉寂香團瓔珞幢竹笋出牆雲結
戶桃花夾岸石為缸電罨隱見蟠千礎金碧忝差絢八窓我昔
馬垂紅錦障君今舡繫綠楊椿風清齊鼓三更報月落晨鐘半
夜撞露布未聞郵驛過霜輦猶聽戍樓柝淳于夢裡空為國曹
鄒詩中不是邦歸去支矧亭子上開籠自放雀隼

題徐公憲挾彈小像

絳縠裁春服行騎白馬駝手中金彈子切勿打慈鴉

寫龍門州堂圖

留客苑堂下聯詩石鼎邊呼童拾松子同煮白雲泉

家翁命題任月山馬圖

月山道人寫唐馬筆力豈在吳興下以圖五馬更為妙乃為月
山居士寫屋士平生好竒古投老讀書深開戶客來展卷閱權
竒颯秋風吹馬語我聞大唐天寶中朝廷不用凌烟功中使
宣傳下五宅一朝並入連昌宮望仙樓下花開早妃子霞觴對
花倒五家沉醉夜歸來夫人豨國爭馳道園官亭過月明中汗
清流血耳生風當時圖寫落人世至今粉墨傳遺踪君不見唐
太宗坐下六馬皆直龍昭陵舊刻落日千秋萬歲垂無窮

鏡歌十章并小序送董叅政

至正十有二年狂賊梗化紅帕首者動數十萬所在蠶起廣

平量公叅政江浙行省由淮西率兵復杭州平諸屬邑戰昱
 額殲辟醜十四年春詔開水府都府于 奏上公領帥事平
 海寇也是年夏復詔判樞密院將大用兵海隅歟生敢擬鼓
 吹鏡歌十曲謹書隆茂宗播曹弗興所函黃帝兵符罔後以
 亦寓頌美之萬一云未大入據國中岷並圖官帝並民即中
 克淮西言光蔡賊犯淮西公率兵轉戰所向克捷繼召師
 復杭城并屬邑也第一會天寶中陳豎不用武賦賦中
 克淮西 羸越陳堂之火烈介士奮通賊滅杭城屹長江撤
 將用良兵用捷趙用牧東胡子漢用廣匈奴攝有永斯世垂勳
 業
 留容入昌化言既定杭城復昌化殄群寇逆忝中書也第二
 入昌化群蠻降旂整鼓逢凱歌還民樂康走馬報入中書

堂

克復於潛賊眾我師尚未集公許自新賊猶豫持兩端公
 乘急卷甲疾趨泉賊降眾也第三

克復於潛推爾鈴發爾机協爾占短兵即接奇兵連擊其急兮
 渠魁殲武功烈民物恬繫立尔祠正議僉樂茲土永年

安定吉賊據千秋閨龍衣吾軍公令憑險投石發矢賊莫能
 支追數十里俘馘而還遂定安吉也第四

定安吉揚威靈市肆不易民不驚戢艱難致太平岷疑未數燕
 然銘

攻昱額賊敗遁徽饒復集眾攻昱額公法八陣圖為長陣
 巨百里遂殲群賊也第五

攻昱額鑿三開何物小子肆兇奸公赫斯怒八陣頌天衝地軸

居兩間白刃霜積火旂朱殷十有八戰殲群蠻龍章來帛旂班
憑闕號呼毋以我公還我公其還四海永無患

水軍開海寇肆暴赫城邑絕糧道帝命開水軍府公
帥領三踰月而功成海宇又寧也第六

帝命開大府軍興若雲雷鶴激中流蛟蜃潛海隅萬弩洪濤
平金戈白日回國儲數萬艘飛越龍之堆洋自大東海下視不
盈杯成功兩期月內詔從天來行人無遮留要見王業恢君王
壽萬歲我公位三台

巡大洋言公開府率水軍耀武海洋濤風迅發千艘並舉
鯨鯢遁逃不十日抵京師第七

巡大洋畧扶桑雷矢發火旂張列缺馱翼海若藏萬天帟彪千
艘驤不十日達帝京聖皇悅唯爾功爾德爾輔靖四方

驅海獠海寇既平遺黨襲暴民罷市公發合驅諸海外民
情乃悅祠以祀公也第八

驅海獠莫吳民群獠肆暴吏不敢嗔公怒赫心合申獠惴民
忻請罪乞自新公威以武撫之仁吳民尸祝報德無有垠

海之平賊匿海島肆劫掠麾水軍擒之沉其舟尸諸市海
以寧也第九

海之平海以寧挾長口批奔鯨鱗角摧毒露腥膏鳥鹵波不驚
我公開府告功成挽海水洗甲兵

趨入朝貳樞府將大用也第十

趨入朝四牡駢赤鳥几帝曰俞安汝止錫汝斧鉞用輔我
皇子公拜稽首受帝之祉我土我民爾安爾救粵千萬年載諸
史

史 題鄭白雀高林遠山傲李協律體

輝公脚踏紅鯉魚鉄網截海鈎珊瑚風海应起烟霧濃緑斜飛

隔寒素影木花開九月秋乱葉撇波如雨流六鰲折足三山舞

白雀夜向西池語

金華方道成鍊師以張彦輔所函雪松園索題就和卷中

張仲舉詩韵

金華有羽士道茲山中據松拂朱絲雲飛玉龍手招皇仙

人排空下琳宮白羊忽起立萬壑生靈風

新秋夜坐有感

蘋未微風起虛庭夜氣清河傾天際落星近斗邊明坐久新凉

蒺愁深百感生豆花紅絡緯相對放秋聲

錢思道泛舟過玉山作詩見示次韵以復兼呈于廷山

聞道書船蕩槳行過湖詩思十分清幽人素有烟霞癖之子寧

無立壑情七月君王猶北幸長淮丞相又南征書生此日頭應

白無奈秋風策策鳴

次琦龍門夜宿陳性之學舍詩韵東寄陳性之訓導特學

中殿梁生紫草故及

廣文學舍清如水故友相逢氣吐真翠幕燈花寒作蕊西梁芝

艸潔無塵清晨館下招諸子長夜山中夢老親我亦儒冠竟何

補願于東海作迂民

寄題王孟德春雪軒

聞君帶雨種琅玕只好稀數十竿西寺故人同散逸北堂阿

母喜平安春風細開簾入暗雪紛落座寒它日錦衣多椎

子當軒下馬為君看

三山瑤和
子當和幹克莊崇明三沙詩

三沙宛在海當中隱見珊瑚樹色紅神島由來連弱水樓船欲
去引剛風東方日出樵人國半夜潮生織女宮却憶題詩繡衣
使高秋曾過玉山東

蘇頌和幹克莊崇明官舍詩

海上開官署龍光夜獨明民居雜吳楚風俗異幽并琪樹戎
見文學舍青沙飛塵如不到亦欲去逃名

和幹克莊題壽安寺詩

別島壓東溟沙黃州樹青金山開紺闕玉女降珠庭龍鉢波心
獻蛟机兩外聽乘槎從此去為結候潮亭

無立和程小山春游即事

小队行春簇錦鞍海風習習射眸酸雲間僧寺鐘魚峇雪後澳

舟網罟寒曉挹東瀛窺若木夜瞻北極望長安使君觀海難于
水從此襟懷萬頃寬

和程小山留題壽安寺

公餘無事得相狎每咲浮生有底忙秋水魚龍躩澤國春風花
木護雲房自分東海安期棗共接西池阿母觴聞道扶桑有銅
柱長繩我欲繫飛光

右前詩五首崇明州朱庭瑞啟明二秀才來索和列入郡
志

予總角時拜中岳仙伯於舍下今已四十年矣思之如裊
游見隱陶居累欲從之而不可得今讀錢思復先生贈
其子于匡山詩不能不為之興懷遂次韵寓意呈思復匡
山二先生云

幼年曾揖浮丘伯口談玄經坐瑤席我家老翁師事之授以神
丹光五色憶從海上接盧敖汗漫騎鯨游八極至今佩劍瘞空
山夜々龍光射蒼壁高風可仰不可見傳家只有床頭易鳳雛
學道迨山中羽服翩翩瞳子碧片玉峰頭長往來每嘆世道今
非昔錢塘故人七月來共看新月如絃直舉杯邀月來酒中不
知松露霑衣濕山中之樂々無央胡亦遑々若行役作詩為答
入山人莫作長安車馬客

秋興十絕呈錢思復于匡廬袁子英

廉纖小雨逗微涼何處花風度暗香愛殺一雙飛翡翠並啣秋
色過渙莊
又見涼生白苧衣秋光全比去年非閑身得似梁山伯日々玉
簪花上飛

南風忽起白蘋洲吹落芙蓉幾瓣秋快雨過晴涼似洗鶉鴉啼
在水西頭
絡緯專秋軌々啼西樓坐待月明時梧桐樹上無多葉莫遣涼
風滿意吹

芭蕉細雨弄新寒白髮高堂鏡裡看無賴西風吹過雁背翻秋
色上淮安

自愛玉山深處居幽懷欲與世情疎近來交際渾多事如信稽
康懶作書

颯々涼風吹美荷虛庭正愛月明多秋聲忽在闌干外驟雨滿
池鳴綠波

玉山雲氣接蓬萊山下軒窗隔竹開金粟池頭衣帶水敲々引
上轆轤來

王山珍
卷上
淒風冷雨最聞情
洒向芭蕉不住聲
獨有一庭書帶艸
秋來猶伴鄭康成

琦龍門為王氏孟德仲立求賦秋林讀書圖詩

龍門一別三月強
忽狀叩門登艸堂
盛言王家好弟兄
皎若丹井獲鳳皇
近向山中結書屋
裡藏書二萬軸
門前一樹紫荆花
堂背兩墩慈孝竹
肯當林麓西風起
木葉蕭蕭打窓紐
簡編舒卷對新涼
深夜篝燈爭日光
大郎學禮可立身
小郎學詩亦可成
禘之懿之賢伯仲
元方季方難弟兄
我生素有耽書癖
忽聞此言深嘆息
未得扁舟逕造門
秋林漢遶相憶
迤來吳中閱閱家
養子不教送豪奢
白狐之裘紫駟馬
日春風桃李花
從此荒嬉事輕薄
盡把詩書束高閣
老來對客始面牆
却悔青春不曾學
君不見機雲學舍小如舟
兄居東頭弟西頭
一朝同

起仕晉室雲間名字垂千秋
又不見韓家學舍京師中
當門只有青梧桐
聯翩冠蓋可相望
舉世人呼兩相公
似君之家亦希有
十載讀書不窺牖
壯年才力正崢嶸
功名肯落他人後
聖元天子崇文儒
明年並馬趨皇都
大字隼懸龍虎榜
為君題作登瀛圖

題龍門觀泉小像

龍門一罅通青天
傾崖束峽天梯連
白雲萬疊吹不斷
上護一脉清冷泉
飛如龍出山谷
石梁倒挂銀河懸
下方臺殿起突兀
兀撞鐘擊鼓朝金仙
道人齋餘憇寂莫
身披袈裟袒右肩
面厓跌坐入水觀
大千一息秋毫顛
天風冷響天樂舉
頭忽散青松烟
何人西法追龍眠
塗朱點綠分清妍
貌得空山定光相
摩尼下照驪龍淵
我今焚香三稽首
盥手摹勒青瑤鏤
嗟予鬢髮

久颯狀未能解脫塵世愆道人肯為一懺悔盡滌諸垢生青蓮
着我同生盤石邊更論莊生秋水篇

送陳希文秀才北上

西風鞍馬占長洲送子携才事遠游山割岷峨分地脉水排淮
泗合江流方今丞相南征日似昔周公北伐秋聖主築臺延國
士帑頭食肉定封侯

自題繆叔民惠所西讀書巢

自向江上采白茅山中結得讀書巢柳栽已發窺春眼竹本初
分帶雨稍曲水流水花斜入塹小橋憑岸直通郊未知何日從
吾懶且對青山誦解嘲

和倪雲林所寄

十月清霜天始涼家砧敲夜搗裳開書乃審近候好問客兼

知道味長我尚咲談浮大白君能服倉事中黃何當相過一相
見帶取奚奴携錦囊

丞相出師口號

丞相出師秋九月十月冬後到新州南來驛騎兩哨尾北去粮
船風打頭軍鼓如雷震淮泗殺氣上天千斗牛早提髑髏見明
主四海一日同詩謳

次琦龍門所寄二詩兼呈王氏兄弟

石橋北去踏猶賒竹裡開門是酒家密々疎々雲外屋紅々白
々寺前花登山着屐思靈運落帽當風憶孟嘉記得天地同勝
賞鍊米日脚已西斜

龍門壁立何崿岩海日照耀金爛斑尔言秋後山更好我獨老
來身未閒將携綠玉九節杖去借白雲屋半間為約王家兩兄

弟日賦詩相往還

和復翟文仲知事

潯陽三世昔曾聞况汝才如五色雲去歲械詩承問訊何時尊
酒對論文京畿玉帛連緇入江岫旌旂小隊分筆硯書主供冗
役每搔華髮信思君

繆叔正郎中以漕事馳傳歷浙東諸郡渡大群小群二灘

作渡灘歌見寄吹韻復之

朝上灘莫下灘客行一日一日難飢蛟掉尾鰐捨齒奔流百折
何肯已上灘萬篙進總咫尺下灘回頭條千里南入粵東入甌灘
流灘流去莫收使官乘檝過中流船頭把舵舡尾謳岸上村
侶寒食店舍無烟人菜色賊圍解去米如珠况復雨多傷二步
但願班師奏凱歌四海同日休干戈野無烽塵水無風波大群

小群將如之何

二三年來商旅難行畏途多棘政以為嘆徐君憲以雪景
盤車罔束顛觀其風雪載道不能無憾狀也遂為賦云

山盤水逐大車前行後車促不愁雪裡衣裳單但恐雪深
車折軸行人歲暮心切天寒馬疲牛腹枵日落不知行路遙
今年月尾度教部明年月頭過成臯二月三月臨帝郊似聞物
抵米價高莫使終歲徒勞城中貴客朱門豪狐裘綉襖紅錦
袍琵琶合曲教嘈毡房肉陣傳羊羔雪花迴風如席嵐捲簾
醉臉殷若桃豈知人間衣食如牛毛

題徐公懋樓樹下放崔小像

丰姿濯三春柳文彩麗五色雲未許仙家借騏驎櫻欄樹
下侯靈君

題劉德方經歷西村園次察士安御史韻

門前石子路三叉正是西邨第一家
墻缺遠山青入屋簷拘細柳綠藏鴉
坐臨流水堪垂釣行入幽畦學種瓜
我亦桃源隱居者何肯對兩剪燈花

琦龍門邀王仲立品茶有詩見寄云
踏雨過山來喫茶瑛亦甚愛此句次韻以復

雞籠峰下亦東家破曉寫詩邀品茶
秋風過樹落紅葉夜雨滿溪流白沙浮
缸蠟螳酒百斛插架牙籤書五車嗟余
有約不得去赤日畏途塵土遮

陳叔方寫竹一枝於春雪軒壁間龍門賦詩于左瑛次韻寫寄

結軒正合背雞峰種竹哦詩也自工
月夜滿林疑朔雪秋教入

戶是春風題名聊記一肯興寫影當推八法
功若許扁舟徑相過為君摘阮醉其中

寓居東郭風雨中辱王仲立叔正自山中遣奚奴寄詩來和韻二首以復且招之過溪上時龍門同在東郭

我愛君家好兄弟森々玉樹倚瓊林
揮毫對寫閒居賦從膝同歌梁父吟牽牛蔓竹莖
蕨薺懸松箇々陰問得書軒何處是雞籠峰下澗之潯

我愛君家好兄弟同處讀書秋樹林
僕子囊書遠將至道人把詩欣共吟十月清霜未為冷一雨乍晴猶尔陰
幾日扁舟過婁上須到狀元溪水潯

學圃亭詩為蕭元泰真人賦
學圃丈人蕭神翁黃冠羽服山澤容
曾候青牛瞻紫氣佩劍隱

入東蒙峰南尋玉書探禹穴鞭霆叱雷騎蒼龍紫皇一日授瓊
簡命主海上蓬萊宮蓬萊宮中春日好碧桃滿地春風掃呼龍
白晝耕紫烟種得玉芝與瑤州五月五日手自收七月七日仙
人搗成絳雪赤如丹一服刀圭顏不老文人玄圃誰築亭彩
霞為幕雲為屏亭中夜誦黃庭經群仙弭節空中聽霓旌蠶
衛九鳳青都寄語遙丁寧賜以會稽外史髡錫以翠羽流金鈴
我識丈人甫十歲示我琅函啟神祕飽讀山中石室書碧琰舟
章盡竒字謂我身中有仙骨晚歲相期供服事大丹九轉今已
成家獨胡為走塵世地脉采芝空避秦武陵裁桃誰與隣青門
種瓜誠小隱東籬對菊何其人彼曾與世或未合逃名潔已元
非真何如丈人手種不死藥不知人間甲子秋復春君不見朱
仲李園三十六歲收李子三千斛長安市上賣珠郎名在龜山

九光錄

龍門與王仲立叔正同過艸堂喜而賦詩

我別龍門強半月住在婁江之水湄客中見月動遐想夢裡與
君吟舊詩歸來不得一餉樂老去已成隻髻絲秋林兄弟有高
誼扁舟到門如有期

是日瑛自婁江方鮒而群公之舟同及門矣故賦是詩也

次琦龍門草堂集

銀燭華堂生夜寒深杯百罰起為觀翠盤行贈傳冰縷玉手分
茶試月團故友別如三月久梅花折寄一枝看還山倘若疏蓮
沼好鑿龍門八節灘

王仲立遊華藏賦詩見寄次韻以復

聞君同過玉峰西盡日飲芳蕪食菲懷人心與莫雲合揮絃目

征鴻飛淮西千里鳥絕粒江南十月人無衣安得風塵淨六合
馬上鏡蕭丞相歸

次琦龍門游馬鞍山詩

馬鞍之山佳且幽回岩疊嶽多僧家雞鳴推窻看曉日海色爛
爛開紅霞人言茲山出美玉一州一木皆英華石頭巖若踞猛
虎藤蔓瑩確纏長蛇我昔春游春日斜山僧携酒相邀遮仙樂
雲中降窈窕天風松下吹袈裟響師石室憩瀟洒一籬五色薔
薇花夜吹鉄笛廣公院聯詩石鼎烹新茶君今好奇良可誇躡
雲著履追麋鹿詩成大字寫絕壁山靈衛護行人嗟鯨來自駕
白牛車齊州九點元非遐下方盜賊聚如蟻視之不啻恒河沙

十一月廿七日霧中作

仲冬天氣暖如春忽見梅花思遠人黑霧漫天吹作兩黃沙落

地散為塵長淮千里連烽火西浙三年運米薪近報大軍屯亦
合羨丁日點行頻

次西齋聽雨韻

今年臘月春禾透窻前老梅方始花孤燈靜夜同聽雨短夢此
嘗應到家佳節明朝是冬至空江落日數年華龍門歸去今成
隱肯寄活水來烹茶

十一月三十日冬至

今年南至子月盡宿霧不斂雲蒼涼愛日自添一線影夜雷忽
開千丈光官府徵求苦到骨村落餓寒無裳近時南來持斧
使盡是各部尚書郎

今年南至子月盡北風回暖似秋涼誰拈彩筆書雲物我愛瓊
杯泛酒光盤舞小垂纖玉手蹋歌一色縷金裳莫嗟青紫輕如

芥好屬從軍白面郎

十二月十八日丞相自六合班師而有作呈秦文仲秀才

百萬王師曉渡河江南民力已無多鏡歌鼓吹軍前奏渾脫蒲

萄馬上馱唐室籌謀疎李靖漢廷功業教蕭何書生亦欲觀文

化再拜天堦看舞戈

自題松下摘阮小像

山人愛著晉衣冠手把月琴松下彈貌得形容在丑壑只緣才

薄不勝官

臘月廿四夜姚子章省掾見訪小集西軒瑛與秦文仲聯

句以記

今年臘月二十四有客乘舸下江邨雪後荔槎見三白秦春

到梅花露一痕靚女當筵分豆粥痴兒出戶看糝盆他肯相

見玉山裡秦共說尊前語咲温頌

用前韻和呈姚婁東

今年臘月二十四風景頗似右壤村斷岸雪消生草色空江水

落見冰痕兒童共喜交年節燈火爭燒老瓦盆縣吏下鄉投官

帖相逢無暇說寒温

臘月二十六日夜可詩齋夜集聯句皆在座者于彥成表

子英秦文仲張大本碩瑛也

今夕迺何夕歲律已云暮更長燈燭明夜冷冰雪泣滕六巧

薦瑞子封娘怒相妬簪盞各盡驩杯行不知數向臺春笋纖

素法曲冰絃度紅淚泣風蠟翠煙積香霧鼎沸雀舌亭酒

馮龍頭注明嚶嚶鶯喉子蹒跚蹋鸞步燕譙落語穿馳驅慨

行路計窮首授首車墜費珠履風塵暗城郭稼穡罄場圃

憂傾漆室葵頌啖分嬾殘芋天王狩河陽秦奸臣拒官渡濟肯

風雲會于曠世龍帟遇前席宣室徵袁下詔輪臺布凱奏杖杜

詩張諫諷校獵賦干羽舞兩階頌歌謠誇五袴時清仰皇澤秦

會少憶良悟春冰破微甲于夜月照寒素雲間雁鳴陸袁吳下

書堆頽疲衰髯似戟短于腹如瓠張也鄉曲英頌秦六廊廡具

孔問鄭子官張杜賞已公句睽遠念契濶秦茗子寫情愫冉

嘆駒馳袁營々咲蚊聚浮生艸栖塵于虛名日晞露嗟彼噉杏

徒頌有此和樂孺用繼石鼎聯聊以寓所寓秦

右二十八韻是日懷陸良貴郊九成琦元璞也

今不題徐公憲載雪舟

山陰道上剡溪頭夜半失却王子猷梅花咲人不相見至今修

竹風颭々海虞徐鄉隱者流以蒲作帆挂作舟浩歌招隱疊々

不絕口迺以載雪大書標舵樓船中何所有圖函在左書在右

舡頭何所有三尺鯉魚子斛酒客至渙童擊揖歌船尾樵青舞

垂手或肯浮琴川或時泛笠澤不是浮家并泛宅一朝大雪夜

填門忽憶阿雪白中夜揚鈴曉到家膝下稱觴壽群客一

朝雪花大一圍東郭有人御敝衣自披崔嵬上船去日算與之

同載鮓徐鄉徐鄉孝義有如此不數回舟深夜裡匡廬山人作

文書卷端索我作詩書卷尾我家玉山深且遙山中積雪暖不

消君家丈人雖山東結屋我亦倚山西而結巢去年臘雪厚三

尺今年春雪一尺高雪深咫尺不得會母乃石頭路滑難相邀

我今還君此卷增太息我欲借君此舟載雪同游遨

亦今豈民也... 玉山璞稿

玉山璞稿 卷上 終

嵩岳東丈人... 玉山璞稿

文書卷... 玉山璞稿

同... 玉山璞稿

陳... 玉山璞稿

獻... 玉山璞稿

垂... 玉山璞稿

唯... 玉山璞稿

不... 玉山璞稿



程